



სასკოლო ინვენტარის სახელმწიფო შესყიდვის
ელექტრონული ტენდერის

ს ა ტ ე ნ დ ე რ ო დ ო კ უ მ ე ნ ტ ა ც ი ა

ქალაქი ბათუმი

2016 წელი

ს ა რ ზ ე ვ ი

1. საკვალიფიკაციო მოთხოვნები და ტექნიკური დოკუმენტაცია.....	3
2. სახელმწიფო შესყიდვის შესახებ ხელშეკრულების პროექტი	6
3. დანართი N1– ინფორმაცია შესყიდვის ობიექტის დასახელების, რაოდენობის, ტექნიკური მახასიათებლებისა და ფასების შესახებ.....	12
4. დანართი N2– ინფორმაცია ფასების შესახებ.....	14
5. დანართი N3 – პრეტენდენტის მიერ წარმოსადგენი რეკვიზიტების ჩამონათვალი	15

ტექნიკური დოკუმენტაცია

1. შესყიდვის ობიექტია სასკოლო ინვენტარის შესყიდვა

2. შესყიდვის ობიექტის დასახელება, რაოდენობა, მახასიათებლები და პარამეტრები განისაზღვრება დანართი N1-ით.

შესყიდვის ობიექტის დიზაინი და ფერი მოწოდებამდე უნდა შეთანხმდეს შემსყიდველთან.

3. პრეტენდენტს უნდა გააჩნდეს 2013 წლის 1 იანვრიდან წინამდებარე ტენდერის გამოცხადებამდე პერიოდში არანაკლებ 300 000 ლარის ღირებულების სასკოლო ინვენტარის (მერხი, სკამი, მაგიდა, დაფა, კარადა) მიწოდების გამოცდილება.

4. პრეტენდენტის მიერ ერთიან ელექტრონულ სისტემაში სატენდერო წინადადების წარმოდგენასთან ერთად უნდა აიტვირთოს:

ა) რეკვიზიტები, დანართი N3-ის მიხედვით;

ბ) ინფორმაცია შესყიდვის ობიექტის ფასების შესახებ (დანართი N2-ის მიხედვით);

გ) ინფორმაცია პრეტენდენტის გამოცდილების შესახებ, 2013 წლის 1 იანვრიდან წინამდებარე ტენდერის გამოცხადებამდე პერიოდში არანაკლებ 300 000 ლარის ღირებულების სასკოლო ინვენტარის (მერხი, სკამი, მაგიდა, დაფა, კარადა) მოწოდებაზე. ამასთან აღნიშნული მიწოდების თაობაზე პრეტენდენტმა უნდა წარმოადგინოს მიწოდების დამადასტურებელი დოკუმენტები (მიღება-ჩაბარების აქტი, შემსყიდველის მიერ გაცემული რეკომენდაცია და ა.შ.).

5. შესყიდვის ობიექტის მიწოდებას საკუთარი ხარჯით უზრუნველყოფს მიმწოდებელი. მიწოდების ადგილია საჯარო სკოლების ადგილსამყოფელი თანდართული ფაილის (მიწოდების ადგილი) შესაბამისად.

6. იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა, აღნიშნულის თაობაზე მიმწოდებელი ვალდებულია უზრუნველყოს შესაბამისი დასკვნის წარმოდგენა, რომელიც გაცემული უნდა იყოს ლევან სამხარაულის სახელობის სასამართლო ექსპერტიზის ეროვნული ბიუროს, სხვა აკრედიტებული პირის ან დამოუკიდებელი სერტიფიცირებული აუდიტორის მიერ. დასკვნა წარმოდგენილი უნდა იქნას სატენდერო წინადადებასთან ერთად ან სატენდერო კომისიის მოთხოვნიდან 7 სამუშაო დღის ვადაში.

7. ანგარიშსწორების პირობები:

7.1. მიმწოდებლის მოთხოვნის შემთხვევაში ხელშეკრულების მოქმედების პერიოდში შესაძლებელია საავანსო ანგარიშსწორება სახელშეკრულებო ღირებულების არაუმეტეს **50%-ის ოდენობამდე**. ავანსის გაცემა შესაძლებელია მხოლოდ ექსპერტიზის დასკვნის წარმოდგენის შემდგომ, რომლითაც დადგინდება მოსაწოდებელი საქონლის შესაბამისობა სატენდერო დოკუმენტაციასთან.

7.2. იმ შემთხვევაში, თუ შესყიდვის ღირებულება ელექტრონული ტენდერის (ვაჭრობის) საფუძველზე შემცირდება 20%-ზე მეტით, პირველადი ავანსი გაიცემა მხოლოდ მიმწოდებლის მიერ ხელშეკრულების ღირებულების არანაკლებ 20%-ის საქონლის მიწოდების შემდეგ, რომელიც დადასტურებული იქნება მიღება-ჩაბარების აქტით;

7.3. იმ შემთხვევაში, თუ შესყიდვის ღირებულება ელექტრონული ტენდერის (ვაჭრობის) საფუძველზე შემცირდება 30%-ზე მეტით, პირველადი ავანსი გაიცემა მხოლოდ მიმწოდებლის მიერ ხელშეკრულების ღირებულების არანაკლებ 40%-ის საქონლის მიწოდების შემდეგ, რომელიც დადასტურებული იქნება მიღება-ჩაბარების აქტით;

7.4. ავანსის გაცემა განმეორებით შესაძლებელია საავანსო ანგარიშსწორებით გადახდილი თანხის სრულად ათვისების (გამოქვითვის) შემდეგაც არაუმეტეს სახელშეკრულებო ღირებულების 50%-ის ოდენობით.

7.5. საავანსოდ გადასახდელი თანხის უზრუნველყოფისათვის გამოიყენება საქართველოს ეროვნული ბანკის მიერ ლიცენზირებული კომერციული ბანკის გაცემული გარანტიები.

7.6. ანგარიშსწორება მოხდება მხარეთა შორის მიღება-ჩაბარების აქტის (შუალედური/საბოლოო) გაფორმებიდან არა უგვიანეს 30 კალენდარული დღის ვადაში;

7.7. საავანსო გარანტიის (მისი წარმოდგენის შემთხვევაში) მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას. ხელშეკრულების მოქმედების ვადა განისაზღვრება 2015 წლის 31 დეკემბრის ჩათვლით.

8. მიწოდების პირობები და ვადები:

8.1. შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 90 კალენდარული დღის ვადაში შემსყიდველის მიერ მითითებულ სკოლებში და შესაბამისი ოდენობებით.

8.2. მიმწოდებელმა ხელშეკრულების გაფორმებიდან 30 კალენდარული დღის ვადაში შემსყიდველს უნდა წარუდგინოს I, II, III და IV დონის ერთი კომპლექტი მერხი და სკამი (ჯამში 4 კომპლექტი). მათზე გაკეთდება ხელმოწერები და 1 კომპლექტი გადაეცემა მიმწოდებელს იმავე დღეს, რომელიც მიმწოდებელმა უნდა წარადგინოს სსიპ ლევან სამხარაულის სახელობის სასამართლო ექსპერტიზის ეროვნული ბიუროში ან სხვა შესაბამის სფეროში აკრედიტებულ ორგანიზაციაში ექსპერტიზის ჩასატარებლად.

8.3. დასკვნით უნდა დადასტურდეს შემდეგი:

ა) მერხის ზედაპირი: უნდა იყოს (მერხის, სკამის საჯდომისა და საზურგის) – ვერზალიტის (Werzalit) ტექნოლოგიით დამზადებული;

ბ) მერხისა და სკამის სიმკვრივე უნდა აკმაყოფილებდეს 700-800 კგ/მ³;

გ) მერხისა და სკამის სიმტკიცე უნდა აკმაყოფილებდეს 30-50 ნ/მმ²;

დ) წყლის ზემოქმედების სხვადასხვა პირობებში მერხისა და სკამის ზედაპირის ამობურცვის სისქე პროცენტულად უნდა აკმაყოფილებდეს:

- 20°C ტემპერატურის მქონე წყალში 2 საათით მოთავსების შემდეგ, ზედაპირის ამობურცვის მახასიათებელი არ უნდა იყოს 1%-ზე მეტი;

- 70°C ტემპერატურის მქონე წყალში, 5 საათით მოთავსების შემდეგ ზედაპირის ამობურცვის მახასიათებელი არ უნდა იყოს 9,0%-ზე მეტი;

- 100°C ტემპერატურის მქონე წყალში, 2 საათით მოთავსების შემდეგ ზედაპირის ამობურცვის მახასიათებელი არ უნდა იყოს 12,0%-ზე მეტი;

8.4. დასკვნა წარმოდგენილი უნდა იქნას ხელშეკრულების გაფორმებიდან 60 კალენდარული დღის ვადაში.

8.5. იმ შემთხვევაში, თუ მიმწოდებელი შესაბამის ვადაში ვერ წარმოადგენს საქონელს, ექსპერტის დასკვნას ან/და ხარისხის შესაბამისობის სერტიფიკატს, ან ექსპერტის დასკვნის მიხედვით წარმოდგენილი საქონელი არ შეესაბამება სატენდერო დოკუმენტაციის შესაბამის მოთხოვნას, მაშინ შემსყიდველს უპირობოდ აქვს უფლება შეწყვიტოს ხელშეკრულების მოქმედება ცალმხრივად.

9. შესყიდვის ობიექტის საერთო და ერთეულის ფასი უნდა მოიცავდეს პრეტენდენტის ყველა სავარაუდო ხარჯს (მათ შორის ტრანსპორტირების ხარჯს) და საქართველოს კანონმდებლობით გათვალისწინებულ ყველა გადასახადს. ამასთან პრეტენდენტს უფლება არ აქვს მიუთითოს სატენდერო დოკუმენტაციით გათვალისწინებული ერთეულის მაქსიმალურ ფასზე მეტი.

10. ტექნიკური დოკუმენტაციის მე-3 პუნქტით გათვალისწინებული დოკუმენტაცია და ინფორმაცია უნდა აიტვირთოს სახელმწიფო შესყიდვების ერთიან ელექტრონულ სისტემაში.

11. პრედენდენტს არა აქვს უფლება წარმოადგინოს ალტერნატიული სატენდერო წინადადება.

12. შესყიდვის განხორციელებასთან დაკავშირებული სხვა პირობები განსაზღვრულია სახელმწიფო შესყიდვის შესახებ ხელშეკრულების პროექტით.

13. დამატებითი ინფორმაცია დაინტერესებულ პირებს შეუძლიათ მიიღონ შემდეგი პირებისაგან: თამილა დუმბაძე, სატენდერო კომისიის აპარატის წევრი; ტ. 422 24-78-64, 577-30-40-10
მისამართი: ქ.ბათუმი, გუდიაშვილის ქ.N4, III სართული, კაბინეტი N5.

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქალაქი ბათუმი

2016 წელი

ერთი მხრივ აჭარის ავტონომიური რესპუბლიკის განათლების, კულტურისა და სპორტის სამინისტრო (შემდგომში „შემსყიდველი“), წარმოდგენილი ----- სახით და მეორე მხრივ „-----“ (შემდგომში „მიმწოდებელი“), წარმოდგენილი ----- სახით, „სახელმწიფო შესყიდვების შესახებ“ საქართველოს კანონის და პრეტენდენტის (დასახელება) სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება NSPA....) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს საქონლის მიწოდებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „ინფორმაცია შესყიდვის ობიექტის დასახელების, რაოდენობის, ტექნიკური მახასიათებლებისა და პარამეტრების შესახებ“ - სატენდერო დოკუმენტაციით დამტკიცებული ინფორმაცია შესყიდვის ობიექტის დასახელების, რაოდენობის, ტექნიკური მახასიათებლებისა და პარამეტრების შესახებ, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 1.8. „ინფორმაცია შესყიდვის ობიექტის ფასების შესახებ“ - მიმწოდებლის მიერ ელექტრონული ტენდერის ფარგლებში წარმოდგენილი „ინფორმაცია შესყიდვის ობიექტის ფასების შესახებ“, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 1.9. „ინფორმაცია საგარანტიო ვადის შესახებ“ - სატენდერო დოკუმენტაციით დამტკიცებული პირობების შესაბამისად მიმწოდებლის მიერ ელექტრონული ტენდერის ფარგლებში წარმოდგენილი „ინფორმაცია საგარანტიო ვადის შესახებ“, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ხელშეკრულების საგანი

- 2.1. ხელშეკრულების საგანია სასკოლო ინვენტარის შესყიდვა - (CPV-39160000).
- 2.2. საქონლის ზუსტი დასახელება და რაოდენობა განსაზღვრულია ინფორმაციაში ტექნიკური მახასიათებლების, პარამეტრების და ფასების შესახებ დანართის შესაბამისად.

3. ხელშეკრულების ღირებულება

- 3.1. ხელშეკრულების ღირებულება შეადგენს ——— () ლარს.

3.2. საქონლის ერთეულის ღირებულება განსაზღვრულია ინფორმაციით შესყიდვის ობიექტის ფასების შესახებ.

3.3. ხელშეკრულების ღირებულება მოიცავს საქონლის ხელშეკრულებით განსაზღვრული პირობებით მიწოდებასთან დაკავშირებულ მიმწოდებლის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. საქონლის მიწოდების პირობები და ადგილი

4.1. შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 90 კალენდარული დღის ვადაში შემსყიდველის მიერ მითითებულ სკოლებში და შესაბამისი ოდენობებით.

4.2. მიმწოდებელმა ხელშეკრულების გაფორმებიდან 30 კალენდარული დღის ვადაში შემსყიდველს უნდა წარუდგინოს I, II, III და IV დონის ერთი კომპლექტი მერხი და სკამი (ჯამში 4 კომპლექტი). მათზე გაკეთდება ხელმოწერები და 1 ეგზემპლარი გადაეცემა მიმწოდებელს იმავე დღეს, რომელიც მიმწოდებელმა უნდა წარადგინოს სსიპ ლევან სამხარაულის სახელობის სასამართლო ექსპერტიზის ეროვნული ბიუროში სხვა შესაბამის სფეროში აკრედიტებულ ორგანიზაციაში ექსპერტიზის ჩასატარებლად.

4.3. დასკვნით უნდა დადასტურდეს შემდეგი:

ა) მერხის ზედაპირი: უნდა იყოს (მერხის, სკამის საჯდომისა და საზურგის) – ვერზალიტის (Werzalit) ტექნოლოგიით დამზადებული;

ბ) მერხისა და სკამის სიმკვრივე უნდა აკმაყოფილებდეს 700-800 კგ/მ³;

გ) მერხისა და სკამის სიმტკიცე უნდა აკმაყოფილებდეს 30-50 ნ/მმ²;

დ) წყლის ზემოქმედების სხვადასხვა პირობებში მერხისა და სკამის ზედაპირის ამოზურცვის სისქე პროცენტულად უნდა აკმაყოფილებდეს:

- 20°C ტემპერატურის მქონე წყალში 2 საათით მოთავსების შემდეგ, ზედაპირის ამოზურცვის მახასიათებელი არ უნდა იყოს 1%-ზე მეტი;

- 70°C ტემპერატურის მქონე წყალში, 5 საათით მოთავსების შემდეგ ზედაპირის ამოზურცვის მახასიათებელი არ უნდა იყოს 9,0%-ზე მეტი;

- 100°C ტემპერატურის მქონე წყალში, 2 საათით მოთავსების შემდეგ ზედაპირის ამოზურცვის მახასიათებელი არ უნდა იყოს 12,0%-ზე მეტი;

4.4. საქონლის მიწოდებას მიმწოდებელი უზრუნველყოფს საკუთარი ხარჯებით.

4.5. საქონლის მიწოდების ადგილია აჭარის ავტონომიური რესპუბლიკის ტერიტორია შემსყიდველის მიერ მითითებული სკოლების მიხედვით (7 საჯარო სკოლა).

5. საქონლის მიღება-ჩაბარების წესი

5.1. საქონლის მიღება-ჩაბარებას ახორციელებენ სათანადოდ უფლებამოსილი პირები.

5.2. შემსყიდველის მხრიდან საქონლის მიღება-ჩაბარებაზე უფლებამოსილი არიან ხელშეკრულების შესრულების კონტროლის განმახორციელებელი პირები.

5.3. საქონელი ჩაითვლება მიღებულად მხოლოდ ფაქტობრივად მიწოდებული საქონლის დასახელების, რაოდენობისა და ღირებულების მითითებით შედგენილი მიღება-ჩაბარების აქტის გაფორმების შემდეგ.

5.4. ხელშეკრულების შესრულების კონტროლის განმახორციელებელი პირების მიერ საქონლის მიღებამდე მიმწოდებელი საქონელს გადასცემს (აბარებს) შესაბამისი სკოლის დირექტორს (უფლებამოსილ წარმომადგენელს), რის თაობაზეც დგება შესაბამისი საქონლის მიბარების აქტი საქონლის დასახელების, რაოდენობისა და ღირებულების მითითებით. ამასთან აქტში მიეთითება საქონლის ვიზუალური ვარგისიანობის თაობაზე. მიბარების აქტი დგება სამ ეგზემპლარად, რომლის 1 ეგზემპლარი წარედგინება შემსყიდველს, ხოლო 1 რჩება სკოლას 1 კი მიმწოდებელს.

5.5. მიმწოდებლის მიერ მე-4 მუხლით და 5.4. პუნქტით გატარებული ღონისძიებებისა და მის მიერ შესაბამისი დოკუმენტაციის წარმოდგენის შემდეგ ხელშეკრულების შესრულების კონტროლის განმახორციელებელ ჯგუფსა და მიმწოდებელს შორის დგება მიღება-ჩაბარების აქტი, რის შემდეგაც

მოწოდებული საქონელი ითვლება მიღებულად და მიმწოდებელი კარგავს მიბარებული საქონლის უკან დაბრუნების (წაღების) უფლებას.

5.6. მიმწოდებლის მიერ შესაბამის სკოლაში საქონლის მიტანის და მიბარების აქტის გაფორმების დღიდან კონტროლის განმახორციელებელი პირების მიერ საქონლის მიღებამდე საჭირო პერიოდზე მიმწოდებელს პირგასამტეხლო არ დაეკისრება.

5.7. შემსყიდველმა უნდა შეამოწმოს საქონელი ხელშეკრულების პირობებთან მიმართებაში.

5.8. თუ საქონელი არ შეესაბამება ხელშეკრულების პირობებს, შემსყიდველი მიმწოდებელთან ერთად, ან მის გარეშე, ადგენს აქტს დადგენილი წესის შესაბამისად.

5.9. შემსყიდველი ვალდებულია ოპერატიულად, წერილობითი სახით აცნობოს მიმწოდებელს შემოწმების შედეგები, დაწუნებული საქონლის რაოდენობა და წუნდების მიზეზი.

6. ანგარიშსწორების ფორმა, წესი და ვადები

6.1. მიმწოდებელთან ანგარიშსწორება განხორციელდება ფაქტობრივად მოწოდებული საქონლის საფუძველზე ხელშეკრულების მე-5 მუხლის მოთხოვნათა დაცვით შედგენილი მიღება-ჩაბარების აქტისა და საგადასახადო დოკუმენტაციის წარმოდგენის შემდეგ, უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე ეროვნულ ვალუტაში.

6.2. მიმწოდებელს პრეტენზია არ ექნება აუთვისებელ თანხაზე.

6.3. მიმწოდებლის მოთხოვნის შემთხვევაში ხელშეკრულების მოქმედების პერიოდში შესაძლებელია საავანსო ანგარიშსწორება სახელშეკრულებო ღირებულების არაუმეტეს **50%-ის ოდენობამდე**. ავანსის გაცემა შესაძლებელია მხოლოდ ექსპერტიზის დასკვნის წარმოდგენის შემდგომ, რომლითაც დადგინდება მოსაწოდებელი საქონლის შესაბამისობა სატენდერო დოკუმენტაციასთან.

6.4. იმ შემთხვევაში, თუ შესყიდვის ღირებულება ელექტრონული ტენდერის (ვაჭრობის) საფუძველზე შემცირდება 20%-ზე მეტით, პირველადი ავანსი გაიცემა მხოლოდ მიმწოდებლის მიერ ხელშეკრულების ღირებულების არანაკლებ 20%-ის საქონლის მიწოდების შემდეგ, რომელიც დადასტურებული იქნება მიღება-ჩაბარების აქტით;

6.5. იმ შემთხვევაში, თუ შესყიდვის ღირებულება ელექტრონული ტენდერის (ვაჭრობის) საფუძველზე შემცირდება 30%-ზე მეტით, პირველადი ავანსი გაიცემა მხოლოდ მიმწოდებლის მიერ ხელშეკრულების ღირებულების არანაკლებ 40%-ის საქონლის მიწოდების შემდეგ, რომელიც დადასტურებული იქნება მიღება-ჩაბარების აქტით;

6.6. ავანსის გაცემა განმეორებით შესაძლებელია საავანსო ანგარიშსწორებით გადახდილი თანხის სრულად ათვისების (გამოქვითვის) შემდეგაც არაუმეტეს სახელშეკრულებო ღირებულების **50%-ის ოდენობით**.

7. გარანტია

7.1. მიმწოდებელი იძლევა გარანტიას, რომ მიწოდებული საქონლის ხარისხი შეესაბამება ხელშეკრულებით განსაზღვრულ პირობებს და არსებულ სტანდარტებს.

7.2. 7.1. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

7.3. გარანტიის მოქმედების ვადა შეადგენს 3 წელს საბოლოო მიღება-ჩაბარების აქტის შედგენის თარიღიდან.

7.4. გარანტიის მოქმედების ვადაში მიმწოდებელი ვალდებულია შემსყიდველის მიმართვიდან 10 კალენდარული დღის ვადაში შეაკეთოს ნორმალური ექსპლოატაციის შედეგად დაზიანებული ნივთი ან შეცვალოს ახლით.

8. ხელშეკრულების შესრულების კონტროლი

8.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.

8.2. შემსყიდველის მხრიდან ხელშეკრულების შესრულების კონტროლს ახორციელებს კონტროლის განმახორციელებელი ჯგუფი, რომლის შესახებაც ეცნობება მიმწოდებელს ხელშეკრულების გაფორმების შემდგომ.

8.3. ხელშეკრულების შესრულების კონტროლი ხორციელდება სისტემატურად, შემსყიდველის შეხედულებისამებრ.

8.4. კონტროლი ხორციელდება როგორც შუალედური ფორმით – საქონლის მიწოდების პროცესში, ისე მისი დამთავრების შემდგომ, მიღება-ჩაბარებისას.

8.5. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

9. მხარეთა პასუხისმგებლობა ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მიმწოდებელს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.07 პროცენტის ოდენობით.

9.2. მიმწოდებელი ვალდებულია დარიცხული პირგასამტეხლოს თანხა პირგასამტეხლოს დარიცხვის შესახებ შეტყობინების მიღებიდან 5 დღის ვადაში ჩარიცხოს შეტყობინებაში მითითებულ საბანკო ანგარიშზე და წარუდგინოს შემსყიდველს აღნიშნულის დამადასტურებელი დოკუმენტი. შესტყობინება მიმწოდებელს გაეგზავნება საბოლოო მიღება-ჩაბარების აქტის შედგენის შემდგომ.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

10.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

10.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

10.4. 10.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

10.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

11. საავანსოდ გადასახდელი თანხის უზრუნველყოფის საბანკო გარანტია

11.1. საავანსოდ გადასახდელი თანხის უზრუნველყოფისათვის გამოიყენება საქართველოს ეროვნული ბანკის მიერ ლიცენზირებული კომერციული ბანკის მიერ გაცემული გარანტიები.

11.2. მიმწოდებელი ვალდებულია საბოლოო ანგარიშსწორებამდე შემსყიდველის მოთხოვნიდან 5 დღის ვადაში წარმოადგინოს საგარანტიო პერიოდში ნაკისრი ვალდებულების შესრულების უზრუნველყოფის საბანკო გარანტია 3 000 ლარზე, რომლის მოქმედების ვადა უნდა იყოს მინიმუმ ერთი წელი საბოლოო მიღება-ჩაბარების აქტის გაფორმების დღიდან. წინააღმდეგ შემთხვევაში მიმწოდებელთან ხელშეკრულების მოქმედება ცალმხრივად შეწყდება და დარჩენილი ნაწილის ანგარიშსწორება აღარ განხორციელდება, რაზედაც მომწოდებელს შემდგომში არ ექნება პრეტენზია.

11.3. ავანსად გადასახდელი თანხის უზრუნველყოფის გარანტიის მოქმედების ვადა მინიმუმ 30 დღით უნდა აღემატებოდეს ხელშეკრულების მოქმედების ვადას.

12. ხელშეკრულებაში ცვლილებების შეტანა

12.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

12.2. ხელშეკრულების პირობების, მათ შორის ღირებულების შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12.4. თუ რაიმე წინასწარ გათვალისწინებულის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. ხელშეკრულების შეწყვეტა

13.1. მიმწოდებლის მიერ საქონლის მოუწოდებლობის ან არასრულად მოუწოდებლობის შემთხვევაში, შემსყიდველი უფლებამოსილია ცალმხრივად შეწყვეტოს ხელშეკრულება, მოქმედი კანონმდებლობით დადგენილი წესითა და პირობებით.

13.2. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. სადავო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

15. სხვა პირობები

15.1. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

15.2. მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

15.3. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15.5. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

15.6. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულებულ ქართულ ენაზე.

15.7. ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი ეგზემპლარი ინახება შემსყიდველთან და ერთი ეგზემპლარი მიმწოდებელთან.

16. ხელშეკრულების მოქმედების ვადა

ხელშეკრულება ძალაში შედის ხელშეკრულების მხარეთა ხელმოწერის დღიდან და მოქმედებს 2016 წლის 31 დეკემბრამდე.

17. მხარეთა რეკვიზიტები

შემსყიდველი:

მიმწოდებელი:

ინფორმაცია შესყიდვის ობიექტის დასახელების, რაოდენობის, ტექნიკური
მახასიათებლებისა და პარამეტრების შესახებ

შესყიდვის ობიექტია სასკოლო ინვენტარის მოწოდება:

სასკოლო მერხისა და სკამის სპეციფიკური მახასიათებლები უნდა შეესაბამებოდეს განათლების ხარისხის განვითარების ეროვნული ცენტრის დირექტორის 2011 წლის 9 აგვისტოს №572 ბრძანებით დამტკიცებულ რეკომენდაციებს „ზოგადსაგანმანათლებლო დაწესებულებების მატერიალური რესურსების პარამეტრების თაობაზე“

მოსწავლეთა ინდივიდუალურ საჭიროებებს მორგებული ერთადგილიანი მერხი და სკამი

კატეგორია	სასკოლო მერხის სიმაღლე სმ (დასაშვები ზომის ცდომილება + - 2 სმ)	სასკოლო სკამის სიმაღლე სმ (დასაშვები ზომის ცდომილება + - 2 სმ)	კომპლექტის რაოდენობა
I (I-III კლ.)	58	34	44
II (IV-VI კლ.)	64	38	65
III (VII-IX კლ.)	70	42	187
IV (X-XII კლ.)	76	46	229

1. სასკოლო მერხის ზედაპირის ზომებია: სიგანე: 45-50 სმ, სიგრძე: 60-70 სმ (დასაშვები ზომის ცდომილება + - 1 სმ);
2. სასკოლო მერხის და სკამის მეტალის კარკასი, არარეგულირებადი, შეღებილი ეკოლოგიურად სუფთა საღებავით;
3. სასკოლო მერხის და სკამის ზედაპირი ეკოლოგიურად სუფთა, ღია ყავისფერი ვერზალიტის (Werzalit), რაზედაც წარმოდგენილი უნდა იყოს ხარისხის შესაბამისობის სერტიფიკატი;
4. სასკოლო მერხის ზედაპირის დახრილობის კუთხის გრადუსული ზომა არ უნდა აღემატებოდეს 5° -ს;
5. სასკოლო მერხი და სკამი უნდა იყოს ცალ-ცალკე; მერხს წინა მხარეს უნდა ჰქონდეს დაფა, ჩანთის ჩამოსაკიდებლად მეტალის კაუჭი, ასევე ჩანთის შესანახი ადგილი მერხის ზედაპირის ქვეშ, რომელიც ხელს არ უნდა უშლიდეს მერხის ნორმალურ ექსპლოატაციას.
6. სკამის საჯდომი ზედაპირი და საზურგე უნდა ითვალისწინებდეს ბავშვის ფიზიოლოგიურ ფორმას, უსაფრთხოების მიზნით მერხს და სკამს, ასევე თანმხლებ დეტალებს არ უნდა ჰქონდეს მახვილი კუთხეები და ბოლოები;
7. სასკოლო მერხი გათვლილია 1 მოსწავლეზე.

მასწავლებლის მაგიდა და სკამი - კომპლექტი

1. მაგიდის ზომა: 120(სიგრძე)X60(სიგანე)X75 (სიმაღლე)სმ;
2. მასალა: MDF, ღია სპილოსძვლისფერი; 4 უჯრით ერთ მხარეს.
3. სკამი: რბილი ზედაპირით, მეტალის კარკასი
4. კომპლექტის რაოდენობა: 100

საკლასო კარადა

1. ზომა: 180(სიმაღლე)X50(სიგანე)X90(სიგრძე)სმ;
2. მასალა: MDF, ღია სპილოსძვლისფერი; 5 თარო, პირველი 2 თარო დახურული კარით (2 კარი).
კარი მეტალის სახელოვრით.
3. კომპლექტის რაოდენობა: 140

სამასწავლებლოს ინვენტარი - კომპლექტი

1. მაგიდის ზომა: 3მ (სიგრძე)X1.2მ (სიგანე)X0.75მ (სიმაღლე);
2. მაგიდის მასალა: MDF, ღია სპილოსძვლისფერი;
3. 15 სკამი: რბილი ზედაპირით, მეტალის კარკასი
4. კომპლექტის რაოდენობა: 7

ინფორმაცია შესყიდვის ობიექტის ფასების შესახებ

(პრეტენდენტის დასახელება)

N	შესყიდვის ობიექტი	განზომილება	რაოდენობა	მწარმოებელი ქვეყანა/კომპა ნია	ერთეულის ფასი	სულ ფასი
1	მოსწავლის ერთადგილიანი მერხი და სკამი - I კატეგორია	კომპლექტი	44			
2	მოსწავლის ერთადგილიანი მერხი და სკამი - II კატეგორია	კომპლექტი	65			
3	მოსწავლის ერთადგილიანი მერხი და სკამი - III კატეგორია	კომპლექტი	187			
4	მოსწავლის ერთადგილიანი მერხი და სკამი - IV კატეგორია	კომპლექტი	229			
5	საკლასო კარადა	ცალი	140			
7	მასწავლებლის მაგიდა და სკამი	კომპლექტი	100			
8	სამასწავლებლოს ინვენტარი (15 ადგილიანი მაგიდა 15 სკამით)	კომპლექტი	7			

პრეტენდენტის რეკვიზიტები

სამართლებრივი ფორმა:

საფირმო სახელწოდება:

იურიდიული მისამართი:

ფაქტიური მისამართი:

საიდენტიფიკაციო კოდი:

ელექტრონული ფოსტის მისამართი:

ტელეფონის ნომერი:

მომსახურე ბანკის დასახელება:

მომსახურე ბანკის მფო:

ანგარიშსწორების ანგარიშის ნომერი:

ხელმძღვანელობაზე უფლებამოსილი პირი
(სახელი და გვარი)

ხელმძღვანელობაზე უფლებამოსილი პირის
მობილური ტელეფონის ნომერი: